

U skladu s Članom 18. Statuta Upravnog odbora Fonda za studentske zajmove Federacije Bosne i Hercegovine te na osnovu Odluke Upravnog odbora Fonda br. 39/08 od 5. 9. 2008. godine, Upravni odbor Fonda za studentske zajmove Federacije Bosne i Hercegovine objavljuje

**Javni poziv  
za dodjelu studentskih zajmova u akademskoj 2008/2009. godini**

**I.**

Radi poticanja osiguranja sredstava, podrške i omogućavanja studiranja studentima na priznatim visokoškolskim ustanovama u Federaciji BiH, Fond za studentske zajmove Federacije Bosne i Hercegovine dodjeljuje 500 studentskih zajmova u iznosu od po 250,00 KM mjesečno u trajanju od 10 mjeseci tokom akademske 2008/2009. godine.

**II.**

Pravo prijave imaju državljani BiH s prebivalištem na području Federacije BiH do 30 godina starosti u trenutku podnošenja prijave, a koji su u akademskoj 2008/2009. godini kao redovni studenti prvi put upisali odgovarajuću godinu dodiplomskog studija, odnosno – u skladu s odredbama Okvirnog zakona o visokom obrazovanju BiH (Službeni glasnik BiH, br. 59/07) – odgovarajuću godinu prvog ili drugog ciklusa studija na jednoj od priznatih visokoškolskih ustanova u Federaciji BiH i savladavaju upisani studij bez ponavljanja prethodnih semestara / godina studija. Studenti-apsolventi nemaju pravo na dodjelu studentskih zajmova.

**III.**

Studentski zajmovi dodjeljuju se prema rang-listi uspostavljenoj na osnovu bodovanja po slijedećim akademsko-socijalnim kriterijima:

- Opći prosjek ocjena tokom studija, odnosno opći prosjek ocjena tokom srednjoškolskog obrazovanja za studente prve godine studija (6–10 bodova, ekvivalentno općem prosjeku ocjena);
- Zvanične fakultetske / univerzitetske nagrade ili priznanja tokom studija ili međunarodne nagrade ili priznanja relevantna za studij (0,5–3 boda);

- Broj preostalih NPP-om predviđenih semestara i/ili godina studija do stjecanja kvalifikacije za rad na osnovu završetka studija (2 boda – za studente završne godine studija, 1 bod – za studente predzavršne godine studija);
- Specifični socijalni status studenta:
  - Status invalidnog lica s invalidnošću najmanje 60%, civilne žrtve rata (izuzev invalidnih lica s invalidnošću najmanje 60%), logoraša ili raseljenog lica, djeteta šehida / poginulog borca, djeteta bez oba roditelja, djeteta bez prethodnog roditeljskog staranja ili djeteta bez jednog roditelja (izuzev djeteta šehida / poginulog borca), djeteta invalidnog lica s invalidnošću najmanje 60% ili djeteta civilne žrtve rata (izuzev djeteta invalidnog lica civilne žrtve rata s invalidnošću najmanje 60%), djeteta obaju nezaposlenih roditelja s kojima živi u zajedničkom domaćinstvu, djeteta jednog nezaposlenog roditelja s kojim živi u zajedničkom domaćinstvu, djeteta obaju penzioniranih roditelja ili djeteta iz domaćinstva s troje ili više djece na redovnom školovanju i/ili studiju (0,5–2,5 boda po jednom od kriterija, a najviše na osnovu dva kriterija najpovoljnija po studenta).

#### IV.

Pri jednakom broju bodova stečenih na osnovu bodovanja po ukupnim akademsko-socijalnim kriterijima prednost na rang-listi imaju slijedeći kandidati (prema redoslijedu prednosti):

- Studenti s višim općim prosjekom ocjena tokom studija, odnosno s višim općim prosjekom ocjena tokom srednjoškolskog obrazovanja za studente prve godine studija;
- Studenti dobitnici nagrada ili priznanja višeg ranga;
- Studenti s manjim brojem preostalih NPP-om predviđenih semestara i/ili godina studija do stjecanja kvalifikacije za rad na osnovu završetka studija;
- Studenti sa specifičnim socijalnim statusom (prema redoslijedu prednosti):
  - Student sa statusom invalidnog lica s invalidnošću najmanje 60%, civilne žrtve rata (izuzev invalidnih lica s invalidnošću najmanje 60%), logoraša ili raseljenog lica, djeteta šehida / poginulog borca, djeteta bez oba roditelja, djeteta bez prethodnog roditeljskog staranja ili djeteta bez jednog roditelja (izuzev djeteta šehida / poginulog borca), djeteta invalidnog lica s invalidnošću najmanje 60% ili djeteta civilne žrtve rata (izuzev djeteta invalidnog lica civilne žrtve rata s invalidnošću najmanje 60%), djeteta obaju nezaposlenih roditelja s kojima živi u zajedničkom domaćinstvu, djeteta jednog nezaposlenog roditelja s kojim živi u zajedničkom domaćinstvu, djeteta obaju penzioniranih roditelja ili djeteta iz domaćinstva s troje ili više djece na redovnom školovanju i/ili studiju.

## V.

Po izboru korisnika studentskih zajmova Fonda za studentske zajmove Federacije Bosne i Hercegovine na osnovu akademsko-socijalnih kriterija, s izabranim studentima zaključuje se Ugovor o dodjeli studentskog zajma, u kojem se određuju uvjeti korištenja studentskog zajma, a posebno vrijeme korištenja studentskog zajma, način osiguranja, rok i način povrata dodijeljenih sredstava te druga pitanja. Na osnovu odluke Upravnog odbora Fonda, Ugovor o dodjeli studentskog zajma student sklapa s poslovnom bankom Fonda, a kojim su, između ostalog, definirana sljedeća pitanja:

- **Uvjeti korištenja studentskog zajma**, određeni prvenstveno u smislu akademsko-socijalnih kriterija;
- **Vrijeme korištenja studentskog zajma (grejs-period)**, pri čemu je broj godina zajma jednak trajanju konkretnog redovnog studija na priznatoj visokoškolskoj ustanovi u Federaciji BiH;
- **Prestanak prava na studentski zajam**, određen kao završetak i prestanak redovnog studija, odnosno neispunjenje uvjeta za upis u narednu godinu studija ili protek roka za korištenje zajma;
- **Obaveza povrata studentskog zajma**, koja dopijeva istekom roka od devet (9) mjeseci nakon završetka redovnog studija, izuzevši odgovarajućim pravilima regulirano vrijeme provedeno u statusu studenta-apsolventa;
- **Obaveza povrata studentskog zajma za korisnike koji ne ispune uvjete upisa u narednu godinu studija**, koja dopijeva u roku od 90 dana nakon gubitka prava na studentski zajam;
- **Najduži rok otplate studentskog zajma**, koji je za sve korisnike jednak vremenu korištenja studentskog zajma;
- **Sredstva osiguranja**, određena u skladu s politikom poslovne banke Fonda za slične kredite, uz sudužništvo ili žirantstvo roditelja / skrbnika, odnosno drugog fizičkog ili pravnog lica.

Korisnik zajma obavezan je vraćati isplaćeni zajam u skladu s uvjetima utvrđenim Javnim pozivom za dodjelu studentskih zajmova i Ugovorom o dodjeli studentskog zajma. U slučaju opravdanih i nepredviđenih situacija (bolest korisnika zajma, saobraćajna nezgoda i sl.), Upravni odbor Fonda zadržava pravo promjene režima povrata zajma.

## VI.

Korisnici zajmova Fonda za studentske zajmove Federacije Bosne i Hercegovine koji u redovnom roku završe upisane studije na priznatim visokoškolskim ustanovama u Federaciji BiH s općim prosjekom ocjena tokom studija 10,00 (5,00) oslobađaju se obaveze povrata dodijeljenih sredstava u cijelosti.

Korisnici zajmova Fonda za studentske zajmove Federacije Bosne i Hercegovine koji u redovnom roku završe upisane studije na priznatim visokoškolskim ustanovama u Federaciji BiH s općim prosjekom ocjena tokom studija od 9,50 do 9,99 (4,63 do 4,99) oslobađaju se obaveze povrata dodijeljenih sredstava u iznosu od 70,00 %.

Korisnici zajmova Fonda za studentske zajmove Federacije Bosne i Hercegovine koji u redovnom roku završe upisane studije na priznatim visokoškolskim ustanovama u Federaciji BiH s općim prosjekom ocjena tokom studija od 9,00 do 9,49 (4,25 do 4,62) oslobađaju se obaveze povrata dodijeljenih sredstava u iznosu od 40,00 %.

## VII.

Prijava se podnosi isključivo u štampanom obliku na zvaničnom prijavnom obrascu, bez izuzetka. Prijavni obrazac dostupan je na internetskoj stranici Federalnog ministarstva obrazovanja i nauke ([www.fmon.gov.ba](http://www.fmon.gov.ba)).

Uz prijavu, kandidati su obavezni dostaviti i slijedeće dokaze o ispunjavanju uvjeta za dodjelu studentskog zajma (u originalu ili ovjerenoj kopiji ne starijoj od šest mjeseci):

- Ovjerena fotokopija CIPS lične karte i CIPS prijavnica (**obavezno**);
- Potvrda o statusu redovnog studenta na priznatoj visokoškolskoj ustanovi u akademskoj 2008/2009. godini, s obaveznom naznakom o upisanoj godini studija, redovnom izvršavanju prethodnih studijskih obaveza bez obnove semestra / godine studija te broju preostalih semestara / studijskih godina do stjecanja kvalifikacije za rad na osnovu završetka studija (**obavezno**);
- Uvjerenje o položenim ispitima s izračunatim i iskazanim prosjekom ocjena (na dvije decimale), odnosno srednjoškolska svjedočanstva (za sva četiri razreda) i Diploma o završenoj srednjoj školi (za studente prve godine studija) (**obavezno**);
- Dokaz o dodijeljenoj zvaničnoj fakultetskoj / univerzitetskoj nagradi ili priznanju tokom studija ili međunarodnoj nagradi ili priznanju relevantnom za studij (**opcionalno**);
- Dokaz o specifičnom socijalnom statusu studenta – potvrda ili uvjerenje nadležnog organa o statusu invalidnog lica s invalidnošću najmanje 60%, civilne žrtve rata (izuzev invalidnog lica civilne žrtve rata s invalidnošću najmanje 60%), logoraša ili raseljenog lica, djeteta šehida / poginulog borca, djeteta bez oba roditelja, djeteta bez prethodnog roditeljskog staranja ili djeteta bez jednog roditelja (izuzev djeteta šehida / poginulog borca), djeteta invalidnog lica s invalidnošću najmanje 60% ili djeteta civilne žrtve rata (izuzev djeteta invalidnog lica civilne žrtve rata s invalidnošću najmanje 60%), djeteta obaju nezaposlenih roditelja s kojima živi u zajedničkom domaćinstvu, djeteta jednog nezaposlenog roditelja s kojim živi u zajedničkom domaćinstvu, djeteta obaju penzioniranih roditelja ili djeteta iz domaćinstva s troje ili više djece na redovnom školovanju i/ili studiju (**opcionalno**);
- Ovjerena Izjava o pravičnom korištenju studentskog zajma (**obavezno**);
- Ovjerena Izjava o tačnosti podataka navedenih u Prijavi (**obavezno**).

## VIII.

Javni poziv otvoren je do **15. 11. 2008.** godine.

Neblagovremene i nepotpune prijave neće se uzimati u razmatranje. Uz ostalo, nepotpunim prijavama smatrat će se i prijave koje nisu dostavljene na zvaničnom prijavnom obrascu te prijave dostavljene s potvrdama i uvjerenjima priznatih visokoškolskih ustanova koje ne sadrže sve Javnim pozivom tražene podatke.

Prijavu s traženim dokazima o ispunjavanju uvjeta za dodjelu studentskog zajma potrebno je poslati poštom na adresu: **Federalno ministarstvo obrazovanja i nauke – Fond za studentske zajmove Federacije Bosne i Hercegovine, Stjepana Radića 33, 88.000 Mostar**, uz obaveznu naznaku: **Prijava na Javni poziv za dodjelu studentskih zajmova u akademskoj 2008/2009. godini – Ne otvarati**.

Prijave i dokazi o ispunjavanja uvjeta za dodjelu studentskog zajma neće se vraćati kandidatima.

Odluka o izboru korisnika studentskih zajmova bit će objavljena u dnevnim novinama i na internetskoj stranici Federalnog ministarstva obrazovanja i nauke ([www.fmon.gov.ba](http://www.fmon.gov.ba)).

Sve dodatne informacije, uključujući i detaljnije informacije u vezi s dokazivanjem specifičnog socijalnog statusa studenta, mogu se dobiti putem telefona **036/355-727** svakim radnim danom u vremenu od **12** do **14** sati ili putem elektronske pošte [studentski.zajmovi@fmon.gov.ba](mailto:studentski.zajmovi@fmon.gov.ba), kao i na internetskoj stranici Federalnog ministarstva obrazovanja i nauke ([www.fmon.gov.ba](http://www.fmon.gov.ba)).

**Upravni odbor**  
**Fonda za studentske zajmove**  
**Federacije Bosne i Hercegovine**